

QUÆSTIO MEDICA

CARDINALITIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 12. Martij.

M. PETRO POVRRET,

Doctore Medico, unici Regis Fratr^{is} ordinario
Medico, Præside.

Est-ne Panis Cervisia flore fermentatus salubris?

I.

PANIS cibus homini quotidianus & communissimus, aquæ, farinæ, & fermenti misturam designat, ita dictus *ἁπλοῦς*, quod omnibus pulmentis adhiberi possit, sit instar omnis alimenti maxime necessarij, omne animaleum appetat, vel *ἁπλοῦς* ob salubris substantiæ alibilis copiam quam præbet, inter *πρωτάματα* principem locum tenens. Antiquissimum est edulium ab Adamo *ἰσχυρότερον* nascente mundo agriculturam excolente inventum, & posteris traditum, ut in sudore vultus sui vesceretur pane suo. Barbaræ tamen gentes ante cultum glænde usæ sunt, inter quos Arcades glandifagi ideo dicti, nusquam Hebræi: apud illos autem quibus panis defuit, ob agrorum sterilitatem, aut desidiam, vel ignorantiam, ij aliud alimentum usurpabant pro opportunitate soli quod incolebant. Materia panis apud Græcos primò fuit hordeum, quod ideo frugem vetustissimam putavere: Romani ex farre primùm panem confecerunt;

Sola prius furni torrebant farra Coloni.

Hi per annos sexcentos nullos habuerunt pistores, sed pulte loco panis utebantur: postea elegantes & delicatos panes habuerunt varios, pro ordinum diversitate, senatoribus & Equitibus lautum & delicatum, plebeis hominibus minùs exquisitum, pauperibus gregarium distribuebant, ex mandato magni annonæ panariæ præpositi, ut in quâvis frumenti abundantia querela tolleretur, si panis elegantia non negligeretur.

Sed tener & nivem mollique filigine factus

Servatur Domino.

Græcos eâ in re imitati qui diversis panibus utebantur albis, levibus, & delica-

2
tis, non gustus tantum, aut appetitus excitandi gratiâ, sed sanitatis quoque conservandæ causâ.

I I.

PANIS optimus, ciborum omnium *χρυσώτατος*, temperatissimus, perfectissimus, humanæ vitæ accommodatissimus, lautissimus, suavissimumque est hominum edulium, rarò fastidium pariens, ex tritico non admodum recenti, solo pingui enato, ritè repurgato concinnandum est. Triticum autem melioris notæ, fractu contumax esse debet, densum, grave, colore aureo, lucidum, læve, trium mensium, maturum & mundum; ex quo in farinam comminuto valentissimus *δυσόχρως*, & plurimum nutriens panis conficitur, qualis est filigineus, ex flore farinæ paratus, copiosum & purissimum corpori tribuens alimentum, firmissimum & temperatissimum, minùs reponens excrementi. Dein simillaceus ex similagine confectus, quæ post florem purior est farinæ pars. Ex farinâ confusaneâ constat domesticus seu cibarius Græcis *οὐλομεύς*. Ex parte fufuris minus impurâ & crassâ fit panis ater, gregarius & sordidus. Denique ex fufure fufuraceus. Ab aquâ laudabiliore panis lautior, suavior & laudabilior evadit, ut Gonetianus: hæc limpidissima debet esse, & moderate calida, fermento dissolvendo inserviens: quod cum totâ farinâ multum, diuque in omnem partem versandum, malè quippe subagitata obstruit, inflat, gravat, sicque versata & depfitâ massa, veste tegenda est, ne vis ejus evanescat; dein secta in fragmenta, & in orbes tornata, furno temperate calenti ex arte coquenda exponitur. Sal admixtus suaviorem reddit panem, coctu faciliorem, leviorè & ventriculo magis acceptum; sed non omnibus congruum; sal libidinem excitat, panem siccatur & indurat, & plus justo exuberans retorridum sanguinem generat. Aqua marina vitanda. Verùm fermentum apprime necessarium est; sine quo panis salubris esse nequit, ut pote gravior, & coctioni atque distributioni ineptus, cujus ope visciditas tritici frangiunt, superfluous humor absorbitur, & terrenarum partium crassities inciditur: ideo panis *ἀζυμος* ut pote glutinosus molestus est, & noxius, nemini prorsus accommodus, farinâ tantum constans, cui simplex aqua affusa est, unde glutinum emergit: Eo non usi sunt Hebræi ad victum quotidianum, sed ut festinati cibatus memoriam recolerent certis diebus religionis causâ, cum fermentatio lenta sit & morosa à festinantibus aliena: ita repudiandi panes dulcarij, qui potiùs ad *πρόμυατα*, & belliarum luxuriam pertinent, quibus Græcorum Agricola sacris operaturis vescébantur; & iis utentes, atque probe coquentes impinguebantur, sed lentos, crassos, viscidos generant humores, alvumque & viscera obstruunt, *δυσόχρως*, ventriculo graves, generandisque obstructionibus opportuni.

I I I.

FERMENTUM vulgare conficitur è farinâ pridie subactâ, vel ad putris modum decoctâ, vel sæpissime citra coctionem relictâ, donec acescat; contrariis facultatibus constat. Particeps est aciditatis frigida, & caliditatis è putredine natæ; quale modicum fermentum totam massam corrumpit farinæ cui injicitur, si vetustum fuerit, quod ad panificium non est accommodatum malitiæ fermentum, sed recens, quod glutinosam farinæ substantiam emendat, attenuatque partibus crassis in tumorem attollit, exceptoque aëre, metu inanitatis, distenditur, sicque rariorem, leviorè, spongiosumque panem reddit, atque nutritioni accommodatiorem. *ζυμῆμα* ideo saluberrimus existit, præ-

tertium floribus Zythi fermentatus, cujus flores massam fermentant potentiùs, eorumque defectu fæces. Quo fermenti genere utebantur antiquitus Galliæ, & Hispaniæ populi, frumento nimirum in potum resoluti, cujus spuma concreta fermenti vicem gerebat in pane conficiendo, quâ de causâ levior illis, quam cæteris panis. Præstantius multo est cervisiæ, quam Zythi fermentum, quod panem levem, oculatum, & suavem reddit, nihil ei de suâ bonitate demens: cum sit hordei, aut frumenti, vel utriusque spiritus seu cremor superfluum petens, postquam cum lupulo cocta sunt, derasâ spumâ excrementitiâ. Exigua ejus quantitas sufficit, quatuor grana uncias septem panis fermentant. Ejus vires altius subeunt, & intimas quasque farinæ particulas pervadunt, eâ quâ maximâ pollent vi penetrandi, ratione tenuium partium, ut inde citius disrupto glutine, & visciditate evictâ solutilis, spongiosus & *ῥυμεν* panis evadat, breviter ad singulas partes diffundatur. Pistorum eo utentes parant operæ, & impensis, quoniam panifices opus fermentationis breviori temporis spatio absolventes, plures panis cocturas peragunt, sicque magnatibus satisfaciunt, delicatis, debilibus, convalescentibus, galactofagis, & divitibus, qui levibus & delicatis panibus vescuntur appetitus excitandi & sanitatis conservandæ gratiâ; qui coctû faciliore sunt, citius præcordia subeunt, *ῥυμὸς* hypochondria minime gravant, quidquid clamitent qui panis repletionem pessimam induunt, id sane laudi panis potius vertitur quam vitio, quod laudabilem simul & copiosum generet sanguinem, unde vasorum interdum distentio nimia, prohibitaque perspiratio, à quâ morborum ilias, porissimum vero putredo sanguinis, cujus apage transfusionem delirantium nugas.

I V.

SPUMA A Illa cervisiæ defæcatæ superiora petens & exiliens levior est & subtilior cervisiæ portio; quæ gustu atque odoratu grata, & suavis percipitur: sicuti flos vini purior & tenuior vini substantia, & lactis dum coquitur spuma subtilior est, & spirituosâ magis ejus essentia. Mei solum est quod in summum fæcem despuit. Ex eâ cervisiæ spumâ spiritibus distentâ, ignis subsidio liquor igneus educitur, spiritum vini mentiens, vires continens eorum, quæ substantiam cervisiæ ingrediuntur. Senatus cum statuta Zythepharmacum jam à longo tempore comprobavit id fermentum admittens, vetuit ne *ἀποκόποι* ab aliis, quam à Zythopocis illud assumerent, mangonium quodlibet improbandi, propolas omnes excludens, ut recens & genuinum minimeque adulteratum à Zythephis accipiant artopoci. Frustra *ῥυμὸς* cervisiam nostram damnant, ex aquâ selectâ, hordeo, frumento laudabilibus, & lupulo paratam; cum vitia Zytho ab antiquis attributa, emendent lupus salictarius, atque coctio, & fermentatio, quæ ad mixti perfectionem tendit. *ῥυμὸς* & *ῥυμὸς* veterum citra mentionem parabantur, sed maceratione dumtaxat molitarum frugum in aquâ tantum, donec liquor acorem ex purtilagine contraheret, atque vinosum saporê indueret; nec usquam decoctæ frugis, sed tantum madidæ mentionem fecerunt: adeo in Zytho acrem qualiterat observabant, vi putredinis contractam, quâ calefaciebat, & acorem aqueum, cujus ratione refrigerabat. Nostra vero cervisia suavis & salubris est portio, probum alimentum præbens ut merito jure cerealis ille potus cibus potabilis esse videatur, modo ritè & ex selectis optimis, quæ frugibus paratur, & percoquatur: cum nullos, aut corpore robustiores, meliusque habitos reperire sitis, qui cervisiâ utuntur, quales sunt Germani,

4

Pōlōni, Belgæ, Britanni, cæterique septentrionales populi, qui pulcherrimi sunt, saluberrimi, & robustissimi, colorem, proceritatem, cæteraque ad bonum corporis habitum atinentia possidentes. Si damnosa esset cervisia, ut autumant *ὅς ἐχθροῦς*, ex illius assiduo potu in gravem valitudinem, qui ea utuntur inciderent; quod experientiæ repugnat, cum apud illos Elephantici non repariantur, & raro qui podagra, vel arthritide divexentur.

V.

T *Ὁ ἀμύρῳ χεῖρον ἐσόμεν, ἐπὶ σπλῆνι, ἢ δυν, ἢ τῇ βεντιόων μ, ἀνδρεῖραν θ, μύκκον ἀνέλεον.* Panes autem cervisiæ flore fermentari, cæteris suaviores evadunt, congenere fermento constantibus, nec solum salubres existunt, sed aliis ideo sunt anteponendi, quia libenter, & magna cum voluptate assumuntur, eosque ventriculus arctius complectitur, omnique ex parte avidius amplexus concludit, & retinet, multò que facilius concoquit: alios vero minùs suaves, ac gratos non ita arcte constringit, nec ita facilè subigit, nauseam interdum vel inflationem aut fluctuationem inducentes. Panis autem flore cervisiæ fermentatus, ritè concocctus, non solum deterior amplius non est, iis quibus gratissimus existit, sed melior interdum etiam redditur. Propterea medicus, non tantum eos in gratiam ægotantium præscribere debet, sed ad majorem quoque eorum utilitatem, debilibus, convalescentibus, cæterisque eos panes *ἐυζύμους, ὑγίαινοντες*, leves, nobiles, lautos, & delicatos appetentibus porrigere tenetur, ut pote suaviores, & salubriores, dapibusque omnibus gratiam, & salubritatem concilians, recentes præsertim, & molles suâ *ἐυζύμια* omnia *ὑπεκκαυμάτα* superant, puritate singulari, humorem primigenium facillime, & liberaliter instaurant, sanguinem laudabilem reponentes, quo citiùs faciliùsque singulæ corporis partes nutriantur, quas diù salvas & incolumes tuentur. Eorum appetentia postrema dejicitur, *ἀσπάρτα* istorum nobilium panum deterior habenda est, diuturniore repositione non mucescunt nec situm trahunt, ut vulgares panes, sed siccantur; proindeque magnatibus nunquam interdictus fuit usus panum eo fermento palmario constantium à Medicis, cum nullus hætenus de ullo quantumvis levi conquestus sit incommodo, quod intulerit cervisiæ fermentum recens, & legitimum. Unde jure merito senatus Parisiensis, exquisito illo fermento constantes panes, ut pote salubres probavit, Lato in eam rem senatus consulto die vigesimâ primâ Martij anni millesimi sexcentissimi septuagesimi, qui triginta ante annos, contrariam proprætoris Parisiensis sententiam irritam fecerat.

Ergo Panis Cervisiæ flore fermentatus salubris.

Asserebat Lutetiæ A R M A N D U S - J O A N N E S D E
MAUVILLAIN, Parisinus. A. R. S. H. 1676.

P A R I S I I S,

Apud FRANCISCUM MUGUET, Regis & Illustrissimi
Archiepiscopi Parisiensis Typographum.